

Headlines

1. श्रीनगर-लेह जरनैली सिडकै पर ज़ोजिला पास थाहरै पर बर्फू दे ल्हास-तोदें पौने करी 7 लोकें दी मौत ते केंई जनें जख्मी होई गे न- एल.जी मनोज सिन्हा होरें वरिश्ठ अधिकारियें कन्नै गल्लबात करियै जारी राहत ते बचाव अभियानें दा जायजा लैता।
2. मुख्मन्त्री उमर अब्दुल्ला होरें पच्छिम एशिया च बने दे हालात ते जरुरी चीजें बस्तें दी सप्लाई सरबन्धी चुनौतियें बारे प्रधानमन्त्री नरेन्द्र मोदी हुंदे आसेया लाई गेदी बैठका च कल हिस्सा लैता।
3. जम्मू-कश्मीर विधान सभा नै विनियोग विधेयक गी पारित करी दिता ऐ, जेदे कन्नै 2026-27 आले माली बरे लेई बजट सरबन्धी खर्चे गी बी मंजूरी थ्होई गेई ऐ।
4. जम्मू दे एम.ए. स्टेडियम च आयोजित 20मीं J&K केन्द्र शासित प्रदेश सतह दी तलवारबाजी प्रतियोगिता च मर्दे ते महिलायें दियें श्रेणियें च जम्मू जिला कुल मलाइयै जेत्तू रेया ऐ।
5. जम्मू च कल पैहली-पैहली अंतराष्ट्रीय मैराथन द्रौड दा आयोजन कीता जाग जेदे च देश-विदेश थमां तकरबीन 4 ज्हार धावक हिस्सा लैगंन।

<><><><><><>

Avalanche Zojila Pass

श्रीनगर-लेह राष्ट्रीय जरनैली सिडक पर कल ज़ोजिला दरें पर बर्फु दे ल्हास-तोदें पौने करी 7एं जनें दी मौत होई गेई ते केंई होर जख्मी होई गे। एह घटना उसले होई जिसलै मती ऊंचाई आहले इलाके च चलदी गड्डियें पर भारी मात्रा च बर्फ पौने करी उन्दे चा केंई दबोई गे। इक बहु-एजेंसी बचाव अभियान फौरी तौरा पर शुरु कीता गेआ ते बर्फ गी हटाने दे जतन जारी ना। इक सोशल मीडिया पोस्ट च केन्द्रीय मन्त्री जितेन्द्र सिंह होरें इस घटना च 7एं जनें दे मारे जाने ते 5 होर लोकें दे घायल होने दी तस्दीक कीती ऐ। सिंह होरें गलाया जे घायलें गी सब्बै लोडचदी मदाद उपलब्ध करोआई जा'रदी ऐ। तोंआई उपराज्यपाल मनोज सिन्हा होरें सीनियर एहलकारें कन्नै गल्लबात कीती ते गांदरबल जिले दे ज़ोजिला च होए दे दर्दनाक बर्फु दे ल्हास पौने दे मगरा बचाव ते राहत कम्में दा जायजा लैता। उंनें सोगी परोआरें कन्नै दिली हमदर्दी प्रगट कीती ते अधिकारियें गी निर्देश दिते जे ओह फसे दे लोकें दी सुरक्षा गी यकीनी बनान ते प्रभावत लोकें गी हर मुमकन मदाद उपलब्ध करोआन। मुख्मन्त्री उमर अब्दुल्ला होरें बी इस घटना च मारे गेदे लोकें दे परोआरें कन्नै हमदर्दी जताई ते डूंहगा बसोस प्रगट कीता।

<><><><><><>

PM-CM Meeting

मुख्यमंत्री उमर अब्दुल्ला होरें जंदे रोज प्रधानमंत्री नरेन्द्र मोदी हुंदी अध्यक्षता च लग्गी दी इक उच्चि सतह दी बैठक च हिस्सा लैता- जेहदे च पच्छिम एशिया दी स्थिती ते जरुरी चीजें पर एहदे असर दा जायजा लैता गोआ। एह बैठक सब्बनें राज्यें ते केन्द्र शासित प्रदेशें दे मुख्यमंत्रियें ते उपराज्यपालें कन्नै वर्चुअल ढंगै कन्नै लोआई गेई। बैठक दौरान प्रधानमंत्री होरें केन्द्र ते राज्यें बश्कार सतर्कता- अग्रिम योजना ते निर्विघन तालमेल दी जरुरतै पर जोर पाया। उ'नें सप्लाई चेन गी सुचारु बनाने ते जमाखोरी ते मुनाफाखोरी पर सख्त रोक लाने दा आहवान कीता। उ'नें आखेआ जे हालात गतिशील बने दे न ते लगातार निगरानी दी लोड् ऐ। उ'नें भरोसा जताया जे टीम इंडिया उभरदियें चुनौतियें दा असरदार तरीके कन्नै सामना करोग।

<><><><><><>

LG- Fuel Prices

उपराज्यपाल मनोज सिन्हा होरें पच्छिम एशिया संकट कारण घरें गी आपूर्ति च आई दी रुकावटें थमां बचाने दे ऐतिहासिक फैसले लेई प्रधानमंत्री नरेन्द्र मोदी हुंदी सराहना कीती ऐ। “एक्स” पर इक पोस्ट च सिन्हा होरें पेट्रोल ते डीजल पर केन्द्रीय उत्पाद शुल्क च लीटर पिच्छे 10 रपे दी कटौती करने दे ऐतिहासिक फैसले पर लोऽ पाई- जिसलै के डीजल पर 21 रपे 50 पैहे ते ब्हाई ज्हाजें दे ईधन पर 29 रपे 50 पैहे निर्यात शुल्क लाने दे फैसले गी बी उनें उजागर कीता। सिन्हा होरें आखेआ जे एह गैह नागरिकें गी बधदी कीमतें थमां बचांदी ऐ- किफायत गी बरकरार रक्खदी ऐ ते कुल संसारी बजार दी अनिश्चितता दे चलदे भारत दे हितें गी तरजीह दिंदी ऐ।

<><><><><><>

Dy. CM –LPG

उपमुख्यमंत्री सुरिंदर चौधरी होरें लोकें गी भरोसा दोआया ऐ जे खित्ते च ईधन जां LPG दी कोई कमी नैई ऐ। सोशल मीडिया पर फैलाई जा'रदी अफवाहें पर सम्बोधित करदे होई उ'नें लोकें गी अपील कीती जे ओह घाबरन नैई ते छड्ठा सरकारी जानकारी पर गै निर्भर रौहना। साढे संवाददाता नै जानकारी दिती ऐ जे उपमुख्यमंत्री होरें इस गल्लै दी तस्दीक कीती ऐ जे जरुरी चीजें-बस्तें दी सप्लाई सामान्य बनी दी ऐ ते बिजन कुसै रोक-टोक बंड दे सब्बै बंदोबस्त कीते गेदे ना। उनें इस गल्लै पर जोर दिता जे हालात पूरी चाल्ली काबू च न ते नागरिकें गी अपील

कीती जे ओह बिजन तस्दीक आहली रिपोर्टें दा यकीन करने थमां बचन तां जे समूलचे इलाके च रमानदारी यकीनी बना सकै।

<><><><><><>

PM-MKB

प्रधानमंत्री नरेन्द्र मोदी होर 29 मार्च बडुलै 11 बजे आकाशवाणी पर अपने “मन की बात” कार्यक्रम राए देश-विदेश दे लोकें कन्नै अपने विचार सांझे करगंन। हर महीने दे खीरी ऐतवार गी प्रसारत होने आहले इस कार्यक्रम दी एह 132मीं किशत होग। कार्यक्रम दा प्रसारण आकाशवाणी ते दूरदर्शन दे समूलचे नैटवर्क- ए.आई.आर. न्यूज वेबसाईट ते न्यूज ऑन ए.आई.आर mobile app- डी.डी न्यूज- प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी होग। हिंदी प्रसारण दे बाद एहदा डोगरी भाशा च अनुवाद प्रसारित कीता जाह्ग।

<><><><><><>

Assembly Appropriation Bill

जम्मू-कश्मीर विधान सभा नै कल विनियोग विधेयक 2026 गी पारित करी दिता- जिसी मुखमंत्री उमर अब्दुल्ला होरें चला'रदे बजट इजलास दौरान पेश कीता हा। बिल दे पास होने कन्नै गै 2026-27 बरे दे बजट गी मंजूरी देई दिती गई ऐ जेहदे कन्नै माली बरे लेई खर्चें गी बी मंजूरी थहोई गई ऐ। इस बिल दा मकसद बक्ख-बक्ख सरकारी सेवाएं ते स्कीमें गी बवस्थित तरीके कन्नै फंड उपलब्ध करोआना यकीनी बनाना ऐ। विधायकें चर्चा मगरा इनें प्रस्तावें गी मंजूरी देई दिती जेहडी केन्द्र शासित प्रदेश लेई बजट प्रक्रिया च इक महत्वपूर्ण गैह ऐ।

<><><><><><>

NC-Investiture Ceremony

उत्तरी कमान दा अलंकरण समारोह 2026 अज्ज उधमपुर स्थित मुख्यालय च आयोजत कीता जाह्ग। उत्तरी कमान दे प्रमक्ख लैफ्टिनेंट जनरल प्रतीक शर्मा हुंदे आसेआ दिते जाने आहले एह पुरस्कार भारतीय सेना ते एहदी ईकाइयें आसेआ प्रदर्शत असारधरण बहादुरी- विशिष्ट सेवा ते कर्तव्यनिष्ठा गी सम्मानित करने लेई समर्पत ना। समारोह दौरान 92 पुरस्कार भेंट कीते जाडन- जिंदे च 51 व्यक्तिगत ते 41 होर दुए पुरस्कार बक्ख-बक्ख ईकाइयें गी दिते जाडन। एह ईनाम

ऑप्रेशन सिंदूर सनें बक्ख-बक्ख क्षेत्रें च सेना दे बहादुरी आहले प्रदर्शन- निस्वार्थ सेवा ते देशभक्ती गी मान्यता दिंदे ना।

<><><><><><>

JK Fencing

जम्मू दे मौलाना आज़ाद स्टेडियम च आयोजित 20मीं जे एंड के केन्द्र शासितप्रदेश तलवारबाजी प्रतियोगिता च मर्दे ते महिलायें- दौने गै श्रेणियें च जम्मू जिला कुल मलाइयै जेतू रेहा ऐ। जम्मू कश्मीर Fencing Association आसेया जम्मू-कश्मीर खेड्ड काउंसल दे सैहयोग कन्नै आयोजित त्रंऊ दिनें दे इस मुकाबले च 17एं जिलें थमां 400 शा मते तलवार-बाजें हिस्सा लैता। इस प्रतियोगिता दे कामयाब आयोजन ते जम्मू-कश्मीर च लगातार बधा-मठोआ करदी खेड्ड संस्कृति ते तलवारबाजी गी बढ़ावा देने लेई सब्बनें सरबंधत धड़ें आसेआ कीते जा'रदे सांझे जतनें पर लौऽ पाई ऐ।

<><><><><><>

Jammu Intl Marathon

जम्मू च कल आयोजित होने आली पैहली-पैहली अंतराश्ट्री मैराथन लेई सब्बै तयारियां करी लैती गेदियां ना। देश-बदेश थमां तकरीबन 4 ज्हार धावकें दे एहदे च हिस्सा लैने दी मेद ऐ। मुख सचिव अटल डुल्लु होरें कल इक बैठक लाइयै बंदोबस्तें गी मुकदा रुप दिता ते अतराश्ट्री स्तर दियें सुविधाएं- तालमेल ते सुरक्षा उपाएं गी जकीनी बनाने पर जोर दिता। इस कार्यक्रम दरान इक हाल्फ मैराथन- 10 किलोमीटर दा Fitness Run ते 5 किलोमीटर आला Fun Run बी आयोजित होगा। इस बरे जारी अपने इक संदेश च कामेडियन अमित सिंह गंडोत्रा हुंदा आखना ऐ।

<><><><><><>

Traffic Advisory

जम्मू ट्रैफिक पुलस नै कल 29 मार्च ऐतवारें बड्डले 5 बजे थमां दिने तकरीबन 11 बजे तगर आयोजित होने आहली जम्मू मैराथन 2026 लेई गड्डियें दी आओ-जाई मतल्लक किश बंदशें बारे इक सार्वजनिक नोटिस जारी कीता ऐ। 21 किलोमीटर- 10 किलोमीटर ते 5 किलोमीटर आली मैराथन द्रौड़ दे रस्तें पर गड्डियें दी आओ-जाई दी खुल्ल नेई होगा। जम्मू ब्हाई अड्डे- रेलवे स्टेशन-

साम्बा- कठुआ- नगरौटा ते होरनें इलाकें बक्खी जाने लेई वैकल्पिक रस्ते उपलब्ध करोआए गे
न। तवी पुल सनें चौथा तवी पुल बी खुल्ले दा रौहगा।

<><><><><><>